

廣東圖說

廣東通志

潮州府附南

澳廳總圖

潮州府總圖

二十度五

二十度四

二十度三

東一度

東一度

中線

中線



潮州府

府治在省城東八百七十八里秦爲南海郡地漢爲南海郡揭陽縣地後漢因之三國屬吳晉改置海陽縣咸和中分屬東官郡義熙九年置義安郡宋齊因之梁兼置東揚州後改曰瀛州陳廢隋開皇中平陳罷郡屬循州十一年分置潮州大業初復爲義安郡唐武德四年復爲潮州天寶初改潮陽郡乾元初復曰潮州屬嶺南東道五代屬南漢宋亦曰潮州潮陽郡屬廣南東路元至元十六年置潮州路總管府屬海北廣東道明洪武二年改潮州府屬廣東布政使司今因之東西距五百里

南北距三百三十里

東至福建漳州府詔安縣界一百五十里

東南至饒平縣海岸二百四十里

南至澄海縣海岸九十里

西南至惠州府陸豐縣界二百七十八里

西至嘉應州長樂縣界三百五十里

西北至嘉應州界二百三十里

北至福建汀州府上杭縣界二百四十里

東北至汀州府上杭永安二縣夾界三百二十里

潮郡當閩廣之衝北控汀郡南瞰大洋左界漳泉右連循贛由

聞入粵則柏嵩分水鎖鑰重關自嘉至潮則畚阡畱隍提封百
里葵潭爲全郡險隘石上亦八閭咽喉三河城宛若金湯覽表
渡居然天塹南澳爲外海門戶庵埗黃岡樟林爲內洋門戶他
如柘林達濠海門蓬州大城靖海神泉諸城皆沿海保障近則
沙汕頭放雞山有外國商賈居之撫綏之方柔遠之道守土者
宜加意焉

領縣九 海陽 潮陽 揭陽 饒平 惠來 大埔 澄海

普甯 豐順

附

南澳廳

東西距九十里

南北距二十五里

東至福建漳州府詔安縣海界五十里

東南至茅嶼二十里

南至海岸二十里

西南至海岸六十里

西至潮州府澄海縣海界六十五里

西北至澄海縣海界六十里

北至潮州府饒平縣海界三十里

廳境孤懸海外漳潮門戶閩粵屏藩內而達濠神泉遮浪汕尾

南日銅山金門浯嶼吭背相屬外而琉球日本越南馬辰文萊
蘇祿咖喇吧呼吸可通固東南之險隘中外之咽喉也守之則
我據其勝棄之則寇得所憑有明中葉墟其地而徙其人日本
倭患遂與有明相終始可爲前鑒矣廳內分深隆雲青四澳自
來深隆二澳屬粵之饒平雲青二澳屬閩之詔安設同知後土
地雖仍分隸閩粵而詞訟悉歸同知管理同知則屬於粵省焉
廳北臘嶼環峙海口爲澳城門戶西南長山尾爲扼盜船寄碇
樵汲之所廳南烏嶼赤嶼白嶼草嶼官嶼與南澎中澎北澎東
西分列南望汪洋皆爲險隘東南澳氣四面掛腳皆岵嶬石灣
有沙洲吸四面之流船不可到入濶則吸攔不能返最爲奇險

南澳之南古爲落漈有浮沉沙垠約長二百里北有兩山曰東
獅象與臺灣沙馬崎對峙中有一洋曰沙馬崎頭門南續沙垠
至粵海爲萬里長沙頭南隔一洋曰長沙門又從南首復生沙
垠至瓊南萬州曰萬里長沙沙之南又生嶼岵石至七洲洋曰
千里石塘長沙一門西北與南澳西南與平海之大星鼎足而
峙粵之海舶往東南洋呂宋文萊蘇祿諸國者必從此門而出
此眞海外天險也

外城以天淵寺

城之東南半城未安萊蕪新築圍牆必從此門而出

于里以城隍廟一門西北與南門對面東門之北是縣城而

城之東南半城未安萊蕪新築圍牆必從此門而出

于里以城隍廟一門西北與南門對面東門之北是縣城而

城之東南半城未安萊蕪新築圍牆必從此門而出

于里以城隍廟一門西北與南門對面東門之北是縣城而

海陽縣圖

線中

豐順縣界

豐順縣界

揭陽縣界

揭陽縣界

線中

二十
四度

二十
三度半

海陽縣

附郭漢揭陽縣地晉改置海陽縣至今因之

城周一千七百六十二丈高二丈六尺城濠廣一丈深一丈

韓山城東一里一名筆架山以形似名有唐韓愈祠宋陸秀夫祠永賴祠韓山書院

莆都山城東二里一名黃子佃山西濱韓江

黃田山城東十里往來大道

大帽山城東十五里以形似名往來大道有白雲坊汛

龍船嶺城東二十五里東南界饒平縣

圓山城東南十里東濱韓江

七屏山城東南二十里七峯高聳連亘十餘里故名東界饒平縣

莊隴山城南四十五里東南界澄海縣

烏洋山城西南十五里以形似名往來大道

青麻山城西南二十里山本種麻故名往來大道有青麻山汛

鰲門山城西南三十里一名鰲母山往來大道有鰲門塘汛

西山城西南三十五里有林公墓

桑浦山城西南四十里山勢蜿蜒層峰疊嶂產茶多桑因名其

巔有塔有井泉秋冬不竭西南界揭陽縣

宗山城西南四十里舊名華巖其麓有王守仁祠